

Ingingo ya 95:

Icyapa n° A, 22 gishobora gushyirwa ku nzira nyabagendwa gusa iyo andi mayira arasukira mu masangano ariho icyapa n° B, 1; B, 1; B, 2.a; cyangwa B, 2, b

Ingingo ya 96:

Icyago kiterakanywe n'ikigereranyo kiri k'umugereka wa mbere w'iri teka gishobora kurangwa n'icyapa cy'inyongera cyerekana icyo cyago, gishobora kandi kwerekanwa hakoreshejwe ikigereranyo kiboneye kitari mu mugereka wavuzwe.

4.2.2. ICYICIRO CYA II: Ibyapa bibuza cyangwa bitegeka**Ingingo ya 97:****1. Ibyapa byereka abagenda ibyo babujijwe cyangwa bategetswe:**

Bimeze nk'ingasire, Iyo ngasire izengurutse n'ibara ritukura kandi ubuso bukera iyo igihe icyapa Kibuza; Uretse ibyerekeye ibyapa bibuza guhagarara umwanya muto cyangwa munini bifite ubuso bw'ubururu. ingasire igira ibara ry'ubururu iyo icyapa gitegeka.

2. Ibigereranyo bisiganura imiterere y'ikibuzwa cyangwa y'igitegekwa bishushanyije mu migereka ya 2 na 3 y'iri teka.

3. **Ibyapa by'inyongera** bishobora kumenyesha ubugerure cyangwa amarangamategeko rusange cyangwa Ibubujijwe cyangwa ibitegetswe byihariye.

Ingingo ya 98:

✓ *Ibyapa bibuza n'ibitegeka bikurikizwa gusa mu gice cy'inzira nyabagendwa kiri hagati y'aho bishinze n'inkomane ikurikiye ku ruhande rw'inzira bishinzeho.*

Ingingo ya 99:

1. *Ibyapa bibuzwa bishyirwa iburyo hakurikijwe icyerekezo abagenzi bireba baganamo*, bitewe n'imiterere y'aho hantu icyapa cya kabiri kimeze nk'icya mbere cyashizwe iburyo, gishobora gushyirwa ibumoso.

2. Ibyapa n° C, 20a (guhagarara umwanya munini babisikana) na C, 20b (kubuza guhagarara umwanya muto no guhagarara umwanya munini babisikana) bigomba gushyirwa kuri buri ruhande rw'inzira bigenewe, bikaba ari umubare uhagije kugirango bishobore kugaragara neza ku cyapa kimwe kugeza ku kindi.

Nta na rimwe intera iri hagati y'ibyapa bibiri byavuzwe ishobora kurenga metero 100.

Ingingo ya 100:

Hanyuranyijwe n'ibivugwa mu ngingo ya 98, ibubujijwe biri ku byapa n° C, 18 (kubuza guhagarara umwanya munini) na N° C, 19 (kubuza guhagarara umwanya muto no guhagarara umwanya munini) bishobora kugarukira mu ntera iri hagati y'ibyapa bibiri bivuzwe haruguru byuzuzwa n'ibyapa by'inyongera bibiri: **kimwe ni akarangacyerekezo k'umukara gahagaze gafite isonga rireba hejuru, ikindi ni akarangacyerekezo k'umukara gafite isonga ireba hasi.**

Ingingo ya 101:

Iyo ibibuzwa byinshi byubahirizwa ahantu hamwe, ibigereranyo bibyerekeye bishobora gushyirwa hamwe ku ngasire imwe. **Nyamara umubare w'ibigereranyo biteraniye ku ngasire imwe ntushobora kurenga bitatu.**

Ingingo ya 102:

Ibyapa bitegeka bishyirwa ahantu birushijeho kubonwa neza nabo bigenewe.